



n/r predsjedavajućeg/e Privremene zajedničke komisije oba doma PSBIH  
za provođenje procedure za imenovanje tri ombudsmena za ljudska prava BiH

n/r gđin Safer Demirović  
gđin Borislav Bojić  
gđin Nikola Lovrinović  
gđa Ljilja Zovko  
gđin Ognjen Tadić  
gđin Halid Genjac  
članovi/ice Privremene zajedničke komisije oba doma  
PSBIH za provođenje procedure za imenovanje tri  
ombudsmena za ljudska prava BiH

//ukupno dvije stranice//

Sarajevo, 12.05.2015.

**PREDMET: Učešće organizacija civilnog društva u proceduri  
imenovanja tri ombudsmena za ljudska prava BiH**

Poštovane i poštovani,

zadovoljstvo nam je obratiti Vam se u ime organizacija civilnog društva, okupljenih u okviru *Inicijative za monitoring evropskih integracija Bosne i Hercegovine*. Inicijativa za monitoring evropskih integracija Bosne i Hercegovine je neformalna koalicija trideset organizacija civilnog društva, iz cijele Bosne i Hercegovine, koja doprinosi praćenju i provođenju reformi u BiH, te nadgleda primjenu politika, prava i standarda Evropske unije u BiH.

Kao koalicija nevladinih organizacija okupljenih oko pitanja demokratizacije, vladavine prava, ljudskih i manjinskih prava, koja svoje nalaze objavljuje u formi godišnjeg *Alternativnog izvještaja o napretku (Alternative Progress Report)*, ovim putem želimo izraziti naše interesovanje za proces imenovanja ombudsmena za ljudska prava BiH.

Vodeći se najvišim standarima demokratizacije jednog društva, evropskom pravnom stečevinom ali i *Pariškim principima* u vezi sa statusom nacionalnih/državnih institucija za promociju i zaštitu ljudskih prava smatramo da je poželjno i korisno da organizacije civilnog društva, aktivne u oblasti promocije i zaštite ljudskih prava, budu aktivno uključene u cjelokupni proces imenovanja ombudsmena. Smatramo da bi organizacije civilnog društva trebale imati *savjetodavni status* u cijelom procesu, kao što je to slično bio slučaj pri imenovanju ombudsmana 2008. godine.

////////////////////////////////////  
*Inicijativa za monitoring evropskih integracija Bosne i Hercegovine je neformalna koalicija trideset organizacija civilnog društva koja doprinosi praćenju reformi i nadgleda primjenu politika, prava i standarda Evropske unije, fokusirajući se na pitanja demokratizacije, vladavine prava, te ljudskih i manjinskih prava.*  
Saznajte više o Inicijativi na: <http://eu-monitoring.ba/o-inicijativi/>

Kontakt: Inela Hadžić, [info@eu-monitoring.ba](mailto:info@eu-monitoring.ba)  
tel 033/551000, fax 033/551002, [www.eu-monitoring.ba](http://www.eu-monitoring.ba)



*Pariški principi*, koje je 1993. godine usvojila Generalna skupština Ujedinjenih nacija, u svome poglavlju "Sastav i garancija nezavisnosti i pluralizma" (tačka 1), pozivaju države članice Ujedinjenih nacija, da *pri imenovanju nacionalnih institucija za ljudska prava*, u našem slučaju pri imenovanju ombudsmena za ljudska prava, *omoguće "pluralističnu reprezentativnost i prisustvo" organizacija civilnog društva*. Iskustvo iz susjedne Republike Hrvatske, pri imenovanju pravobranitelja i pučke pravobraniteljice, kao i praksa drugih država Evropske unije, pokazali su da organizacije civilnog društva mogu značajno doprinijeti kvaliteti procesa imenovanja, tako što su uključeni u sam postupak vrednovanja pojedinih kandidatura, intervjuisanje kandidata/kinja te u konačnici predlaganje najboljih kandidata/kinja za imenovanje od strane parlamenta.

*Organizacije članice Inicijative za monitoring evropskih integracija BiH stavljaju na raspolaganje Privremenoj zajedničkoj komisiji oba doma PSBiH za provođenje procedure imenovanja tri ombudsmena za ljudska prava BiH, svoju stručnost u nadi da tako možemo pomoći savjetom, relevantnim iskustvom i samom procesu odabira i ocjene kandidata*. Vjerujemo da organizacije civilnog društva, poput organizacija koje su okupljene u našoj koaliciji, mogu doprinijeti i transparentnosti ovog procesa, informišući što širu javnost o samom procesu konkurisanja, intervjuisanja te u konačnici imenovanja.

Imajući u vidu sve navedeno, molimo Vas da razmotrite ovaj dopis. Bit će nam zadovoljstvo ukoliko nas pozovete da delegiramo svoje predstavnike/ce kako bi oni/e uzeli/e aktivno učešće u ovom procesu.

Za sva dodatna pitanja, uz srdačne pozdrave, stojimo Vam na raspolaganju.

S poštovanjem,

**Inela Hadžić**

*Koordinatorica Inicijative za monitoring evropskih integracija BiH*

Dopis je upućen i:

- Ministarstvo za ljudska prava i izbjeglice BiH, n/r ministricе,
- Ministarstvo za ljudska prava i izbjeglice BiH, n/r pomoćnice ministricе za ljudska prava
- Delegacija Evropske unije u BiH, n/r ambasadora,
- Delegacija Evropske unije u BiH, n/r šefa političkog ureda
- Delegacija Evropske unije u BiH, n/r kontakt tačka - službenica za ljudska prava
- Vijeće Evrope, ured u BiH; n/r šefice ureda
- Misija OSCE-a u Bosni i Hercegovini
- Ambasada Kraljevine Nizozemske
- Ambasada SAD

////////////////////////////////////  
*Inicijativa za monitoring evropskih integracija Bosne i Hercegovine je neformalna koalicija trideset organizacija civilnog društva koja doprinosi praćenju reformi i nadgleda primjenu politika, prava i standarda Evropske unije, fokusirajući se na pitanja demokratizacije, vladavine prava, te ljudskih i manjinskih prava.*  
Saznajte više o Inicijativi na: <http://eu-monitoring.ba/o-inicijativi/>

Kontakt: Inela Hadžić, [info@eu-monitoring.ba](mailto:info@eu-monitoring.ba)  
tel 033/551000, fax 033/551002, [www.eu-monitoring.ba](http://www.eu-monitoring.ba)